



- I Ciantadús y la Musiga s'envieia der bel al **concert de Santa Zezilia**, en **domegna ai 25 de november** do espi te Ciasa dles Uniuns.
- **Aziun d'advent: l'Uniun dles Eres** arjigna ince eniann **gherlandes d'advent** co gnará benedides la pröma domegna d'advent **ai 2 de dezember** y dedô vonüdes por l'ativité dl'Uniun.
- **Joneza:** la Joneza met da jí l'aziun de **San Mocherá** fora por les ciases. Les families enteressades dess i al lascé alessei **cina ai 30 de november** a Fidelis, ☎ 345 9498642. Ara gnará motüda a jí ma sce almanco 10 families s'al damana.
- **KVW:** le KVV organiseia en **curs da cujiné patüc te furn** con Angelo Rigo en dedolönesc ai **27 de november** dales 16:00 ennant te ciasadafü de Ciasa dles Uniuns. Al é da paí 10,00 € por le material. Se prenoté pa Brigitte, ☎ 338 9316650.
- **Joneza da Paur:** jogn y jones co á enteresse da jí pla Joneza da Paur é enviés/enviades en sabeda, ai **1 de dezember ales 20:30** te Ciasa dles Uniuns ala sontada generala.



enformaziuns y termins

Marcé da Nadé t'La La Spona: la Spona, l'Uniun Ladins Val Badia y l'Istitut Ladin envieia al Marcé da Nadé la domegna, ai 2 de dezember, dales 10:00 ales 17:00, con creaziuns artejanales d'La Spona, libri dl'Uniun Ladins Val Badia y dl'Istitut Ladin Micurá de Rü. Ales 14:00 ciances y melodies d'Advent, ales 14:30 presentaziun de trei libri nös por mituns da pert dai auturs y dedô entratenimont por mituns.

Ochs und Esel - teater por mituns: en dedemesaledema 28 de november, ales 16:00, él da odei sön paladina dal salf Domène Moling de La Val la rapresentaziun teatrala por mituns "Ochs und Esel" con i clowns Herbert y Mimi. I dui clowns oress joblené der ienn n teater da Nadé y ensciö tolai pert a n "casting" y ai ven chirís fora por interpreté les perts dal bo y dal müsc. Le teater é por todesch y al é por mitans y mituns dai 3 agn ensö.

**Nessuno si può illudere pensando:
"Sono a posto perché non faccio niente di male".
Per essere di Gesù non basta non fare nulla di male,
c'è del bene da fare!**

Papa Francesco

Döt le bun a: Elisabetta Willeit Trebo, *Al Plan* * 01.12.1935
y a düc chi co á santennom y complesc i agn cöst'edema

Impressum: Ploania d'La Pli; redaziun Franz Rigo y Edith Willeit
Comunicaziuns cina le dedemesaledema sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania
La Pli de Mareo
Santa Maria dal Bun Consei

Ploan: Signor Heinrich Perathoner
E-mail: ploania@gmx.net

Calogna Al Plan: 0474 501006
Radio de Ploania: 93,00 MhZ



VAL BADIA
www.unitepastorala.org

Ann B

25.11.2018 - GRAN FESTA DE CRIST RE

n. 52



Le Si-gnur é re, ie-stí de gran-de-za.

☞ Dan. 7, 2a.13b-14 | Rev 1, 5b-8 | Jan 18, 33b-37

Dal Vangelo do San Jan:

Te chel tomp ^{33b}á Pilatus damané Gejú: Este tö le re dai iüdes? ³⁴Gejú á respognü: Dijeste cösc de töa bona, o él sté zacai d'atri che t'al á dit? ³⁵Pilatus á respognü: Sunse iu fosc n iüda? To popul y i gragn prei t'á sorandé a me. Ci aste pa fat? ³⁶Y Gejú á respognü: Mio regn n'é nia de cösc monn. Sce mio regn foss de cösc monn, fóssel mia jont co combatess, ch'i ne ti gness nia sorandé ai iüdes. Mo mio regn n'é nia da atló. ³⁷Pilatus ti á dit: Chel ô dí, che t'es empó n re? Gejú á respognü: Tö le dijés, iu sun n re. Porchel sunse nasciü y gnü tal monn, ch'i dáí testimonianza por la verité. Vignönn co é dla verité ascuta mia usc!

Oraziun dal de

Periun! Dio onipotent y etern, te i as dé a to Fi bunorü döta la potenza tal ci y söla tera y te l'as motü a ce dla creaziun nea: Delibreia dötes les creatöres dala potenza dal mal ch'ares te sorvesci te su y te renomeies por döta l'eternité. Do cösc te periunse por nosc Signur Gejú Crist, to Fi, co é Dio y vir y regneia con te tl'unité dal Spirit Sant por düc i secui dai secui. – Amen.

(Lezionar B)



☞ *Letöres dla Pröma domegna d'Advent (C):
ler 33, 14-16 | 1 Tess 3, 12-4, 2 | Lc 21, 25-28.34-36*

Edema liturgica dai 25.11. ai 02.12.2018

DOM 25.	GRAN FESTA DE CRIST RE ultima domegna dal ann liturgich FESTA DE SANTA ZEZILIA	<i>Caterina d'Alessandria (Tarina), Elisabeth</i>
08:30	gran messa ciantada ad onú de Santa Zezilia por la ploania y por i Ciantadús	♫ Anton Faist, "Dritte Messe"
14:00 <i>10:00</i>	espi da festa y benedisciun eucaristica <i>s.m. a Al Plan</i>	
Lön 26. <i>07:30</i>	<i>Konrad y Gebhard, Ida, Albert</i> <i>s.m. a Al Plan</i>	
Ded 27. 07:30	<i>Virgil, Oda</i> s.m. por †† Kehrer, Costamesana s.m. por reingrazié dla sanité	
Dem 28. <i>18:00</i>	<i>Berta, Günther</i> <i>s.m. a Al Plan</i>	
Jöb 29. 19:30	<i>Friedrich, Iolanda, Jutta</i> s.m. en onú de Sant'Ojep laorante por le personal dai lifc s.m. por †† Iaco Kehrer y Regina Kehrer Terrabona s.m. por †† Tone y Vitoria Trebo, Blaje	
Ven 30. <i>07:10</i>	festa de Sant'André apostul (patron da Pliscia) <i>s.m. a Al Plan</i>	
Sab 01. 07:30	<i>Sabeda de Santa Maria Natalia, Natalie, beat Charles de Foucauld</i> s.m. por fam. Edoard y Paola Maneschg, Cor Marchet s.m. por vocaziuns religioses y por nostes families s.m. por †† Pire y Rosa Willeit, Sach	
→ 19:30	Rorate por la Joneza y la Joneza da Paur	♫ grup de stromonc
DOM 02.	Pröma domegna d'Advent (C) Domegna dla dljia te ciasa	<i>Luzius, Bibiana</i> <i>oferta por i debojügnis dla ploania</i>
08:30	Rorate por la Uniun dai Ei Rorate por la Vijinanza da Curt	♫ orghi da man
12:30	funziun dal Bato de Yari Frontull	
14:00	funziun dal Bato de Isaac Ploner	
15:00	<i>a Pliscia</i> s.m. en onú de Sant'André por la vijinanza da Pliscia	
→ 19:00	les ciampanes sona ete l'Advent y envieia al'oraziun te familia	
<i>ampola:</i>	por † Paola Brandlechner, Gosser	
<i>ministronc:</i>	▶ da doman y domegna: Francesco Obojes y Nadia Trebo ▶ da sera y domegna: Miriam Palfrader y Jacklyn Clara	
<i>i recordun:</i>	Paul Pedevilla, San Iere + 26.11.2009	



En regn ... dal ater monn (Jan 18, 33b-37)

I ponsi do

Le Regn de Gejú n'é nia fondé sön la forza, sön la potenza y sön l'economia. Al é n regn fondé sön l'Amur y sön la Verité. Por ester zitadins de cösc Regn ôl ma ester na cherta d'identité con la scrita: "Fis de Dio". Degügn ne n'é slüc fora da cösta zitadinanza.


I preii ensciö

Döt sará te töes mans, Signur Gejú: le monn, la storia, le destin dl'umanité. Te sarás Vicare y Signur. I afidun a te y a töa misericordia nostes aziuns, nüsc miric y nostes colpes. Pordona les iniustizies, tól demez dotes les violenzen, azeta le bun dles porsones y ascuta le scrai dai püri. Fá ch'i se prounse entres da costruí te nosta sozieté to Regn de pêsc y de verité. Scínchesse a nos jogn y jones le coraji da creie y da speré te n miú monn.

Walter Cazzaniga, Parola amica – Il Vangelo della domenica per ragazzi



Festa de Santa Zezilia



Singende Mensch sind der klingende Atem Gottes

San Paul envieia la comunité de Éfesus: "Lascésse emplí dal Spirit! Lascede slinghené amesa os salms, inns y ciances sacres, ciantede y iubiledede con döt le cör al Signur!"

Le cianté deboriada cherieia n ambiont de fede y de lalt a Chelbeldio. Al ven ensciö por me n post olach'i toli pert, olach'i mo sonti tut ete, olach'i pó ince mo lascé ia te momonc de difficulté y de tristezza. Le cianté deboriada cherieia comunicaziun y fej nasce comunité. Sc'i jun tles dljies ince altró s'anadunse ch'ares é fates y arjignades por cianté y fá musiga: dal alt sona l'orgo y tai libri ciefunse trepes ciances da cianté deboriada.

Tal Vedl Testamont vegnel cunté che canche düc i levic y i prei s'â abiné encer alté y â motü man da soné sü stromonc y da cianté - sciöch'an aldiss ma plü öna na usc - „Le Signur é bun, söa grazia döra por dagnora“, êl sté n nio co s'â slarié fora te döta la ciasa dal Signur; la gloria de Dio s'â lascé jö y â emplí döt le templ. (2 Cronica 5,12-14) Na te forza pó avei la ricchezza y l'unité dla musiga, ch'ara é bona da nes daurí le cör önn por l'ater y da nes lascé sontí la presenza de Dio.

→ I se recordun porchel ince che al é da **sté empé** dertan ch'i ciantun le ciancia dal **Gloria**: i se sontun jö ma canche le "Gloria" ven cianté dal cor o soné da n grup!